

Per lung dal Rain

Territoris natirals protegids en il Grischun, part 2

Reservat da guaud natiral Uaul Prau Nausch (Val Nalps, Tujetsch)

L'Uaul Prau Nausch che cumpiglia bundant 65 ha na vegn dapi il 2007 betg pli explotà da l'economia forestala. Il reservat da guaud duai porscher ina patria a spezias raras d'animals e da plantas e servir sco object didactic visual per observar e perscrutar il svilup natiral da guauds da muntogna. A la populaziun da la regiun porscha il guaud in spazi da recreaziun singular e dat in'interessanta invista en la vita dal guaud.

Il num local «Uaul Prau Nausch» quinta anc oz dal temp che quest territori da guaud vegniva pasculà. I sto però esser stà ina povra pastgira, nua che mo las chauras chattavan insatge da magliar.

Enfin avant intgins onns vegniva l'Uaul Prau Nausch era explotà da l'economia forestala. Cunquai ch'i mancava ina via da guaud, è l'exploataziun da la



adina stada pitschna e sa concentrava sin la dismessura da plantas attatgadas dal bau da scorsa. Durant ils ultims 40 onns


è vegnì taglià en l'entir territori dal reservat en media mo 50m³ laina per onn. Il davos tagli da 2003 ha racoltà 160m³ laina ch'ha stui vegnir purtada davent cun helicopter. Pli baud vegniva la laina transportada cun la metoda da fastatg. Ils mutagls tagliads laschavan ils lavurers da guaud ruschnar a val l'enviern sin la naiv en vials spezials.

L'Uaul Prau Nausch enconuscha ina lunga istorgia d'exploataziun tras l'uman. Perquai na correspunda el betg ad in «guaud selvadi» en il senn pli stretg. Sch'in guaud na vegn dentant betg utilisà durant ina perioda pli lunga, pon ins observar en il decurs d'intgins decennis enfin tschientaners maletgs dal guaud che sumeglian in guaud selvadi. L'Uaul Prau Nausch è «sin via ad in guaud selvadi».

Ognas da Pardiala – Isla (Vuorz/Rueun)

Quest territori protegi cumpiglia la riva umida dinamica dal Rain Anterior cun in delta bain structurà da l'aua Valata, mantuns da crappa chauda e sitga cun vegetaziun spezialmain adattada en la zona da pastgira sur la staziun da Vuorz.

Las Ognas en l'object nr. 5 da las surfatschas umidas da la Svizra d'impurtanza internaziunala. Ellas en restanzas da las palids da vallada, ina giada fitg derasadas, ed in exempel da ritgezza singulara per la cuntrada umida da riva sin quest stgalm d'aua. Els auals da San Pieder e da Valata furman ensem cun il Rain la planira alluviala stendida. Pervi dals rempars da riva e la tschiffada da l'aua na stattan ils ogns betg pli en la planira alluviala dal Rain. Singulas zonas vegnan dentant inundadas mintga primavaira entras ils auals laterals.



Plan d'access Uaul Prau Nausch (Val Nalps, Tujetsch). CHARTA: PNG



Zonas umidas sco la Weihermühle a Panaduz porschan impurtants lieus da retratga per insects, amfibis e reptils.

FOTO: ECHINO / PIXELIO

Cunquai che las inundaziuns mancan, han ils blers guauds dad ogra pers lur caracter da pionier. En il delta da l'aua da Valata crescha in guaud da riva tipic cun saleschs, ogns grischs, suvi nair, alaussa e bleras chaglias autas. Els bratschs d'aua morta, puzs e paltauns porschan per part anc buns spazis da viver per arlogns sut l'aua, societads da plantas che nodan sin l'aua, per channaids e channarel. Sin singuls bots da glera cuverts da tschispets setgs creschan var 40 spezias da plantas.

Medemamain sa tracti d'in impurtant abitadi per utschels da l'aua sco piazza da cuar e per utschels migrants, tranter auter pestgaderins, channarels da palì, rivauns cumins, arlogns da l'aua, becassinas da palì e diversas spezias d'andas. Ins ha era observà bleras ulteriuras spezias d'utschels chantadurs sco pitgaspina brins, cots da matg u puppenbrins, fustgettas, pitgalains e masetts.

Las Ognas furman in'impurtanta piazza da frega per piutschas da muntogna, raunas da prada e rustgs brins, in abitadi varià per diversas spezias da luschar, serps e mamifers pitschens e cumpiglian ina ritga fauna d'insects.

En il territori da contract vegn il terren utilisà a moda graduada davent da la pastgira pasculada intensivamain enfin a surfatschas nua ch'èn lubidas mo intervenziuns per mantegnair la finamira da protecciun. Per il guaud e la pastgira èn ins sa cunvegna a plans d'utilisaziun spezial sin basa da valitaziuns dal lieu. Per engrondir la surfatscha d'auas stagnantas han ins creà novas auas.

Guaud selvadi da pigns Scatlè (Val Frisal, Breil)

Il guaud da Scatlè, in dals trais davos guauds selvadis da la Svizra, è in guaud da pigns che crescha sin ina spunda taissa da bova en ina vallada alpina nunabitada cun ina ritga fauna e flora. El è situà a la veglia sonda al Pass dal Lembra (Kistenpass).

Scatlè mesira mo radund 9 hectaras ed è il pli pitschen dals trais territoris da guaud selvadi. Il caracter da guaud selvadi è cumprovà enfin en il 13avel tschientaner. Da quai ch'ins po sa regardar n'hai dà naginas explotaziuns. Els pigns dal guaud èn damai fin a 600 onns vegls e 30 m auts. En il clima subalpin frestg ed umid da la Val Frisal è il pign da chasa – cuntrari a las plantaziuns en la Bassa. Sias ragischs pauc profundas sa cuntentan cun ina stresa da humus fitg graschla che

sa rimna en las fessas tranter ils gronds blocs da crappa en la spunda da bova. Els pigns satigls e gizz en la muntogna dattan in auter maletg che lur parents en la val. Sin la roma drizzada vers engiu na pon sa furmar naginas grondas massas da naiv.

Il guaud sa stenda taiss siador a partir da la costa orientala oradim la Val Frisal da circa 1500 meters enfin a sur 2000 m s.m. Sanester dal territori protegi pon ins vesair anc oz fitg bain il lartg vau che la lavina da l'onn 1984 ha stgarpà tras il guaud.

Là sco era en il territori protegi restan las plantas derschidas per terra. Sin quella creschan alura novas plantinas che gidan a regenerar il guaud. En differents lieus pon ins perquai vesair pigns importants – enfin a diesch – che stattan en ina retscha guliva, sco sch'els fissan vegnids tratgs cun ina lingera. Tar differents pigns pruia schizunt la roma il pli giudim che tutga la terra ed uschia creschan novs pigns! Surtut la blera selvaschina che tschertga refugi en il guaud impedescha dentant ina regiuvinaziun dal guaud sutfizienta.

Weihermühle (Panaduz/Razén)

Ina zona umida amez guauds sitgs? Gea, sco in'oasa vegn la Weihermühle alimentada d'aua da funtauna. Marcada da questa ritgezza d'aua ed entras la tgira cuntinuada è sa sviluppada qua ina pedra natirala tut speziala.

Vers la fin dal davos temp da glatsch han enormas bovas squassà la Val dal Rain tranter Glion e Cuir. La valletta Weihermühle è sa furmada tranter dus bratschs da la bova da Flem al nord ed al sid da las massas da material da la bova da plattamorta grischuna.

L'aua da funtauna ch'affluescha da las spundas da plattamorta grischuna en la Weihermühle è vegnida duvrada dals umans a partir dal temp medieval. Il vegl mulin da graun in toc sur il territori natiral protegi dat perditga da quai. El è stà en funcziun enfin l'onn 1942.

Il terren d'arschiglia dal fund da la val vegn utilisà dapi tschientaners sco prà da charetsch. Era il curt temp durant la Segunda Guerra mundiala, cura che l'aua è vegnì stagnà cun in rempar e duvrà sco puz da peschs, ha il charetsch survivì senza donn.

Oz profitesch surtut animals e plantas da la ritgezza d'aua en la Weihermühle. Tar ils abitants dal territori tutgan, sper amfibis e reptils, era spezias raras da libellas e salips sco per exempel la

libella da funtauna Bolton u il salip da palì.

Sin ils terrens da turba bletschs cun pauc substanza nutritiva pon crescer unicamain plantas particularmain spezializadas. Plantas bassas e discretas da charetsch e schervetta furman la vegetaziun da palì, qua e là embellida da bellezias delicatas sco la primula farinusa u l'orchidea alva. Questas plantas ed ils terren bletschs èn fitg sensibels sin la charga da passidas, perquai na duess ins betg passar sisur.

L'entir territori protegi impressiuntescha entras sia diversità da spazis vials. Uschia sa barattan palids da schervetta cotschna, prads da chaglias autas, palids da charetsch grond, pradas da mulinetta, prads funtanitschs ed urs da prads mez sitgs da salvia. Questa diversità sa fa era valair en il dumber impressiunant da las spezias. En differents expertisas èn vegnidas cumprovadas 183 spezias da plantas, 360 spezias da tgirallas da la notg, 47 spezias da tgirallas dal di, 23 spezias da salips, 16 spezias da libellas, 3 spezias d'amfibis, differents reptils e mamifers pitschens.

Siechastuda (Maiavilla/Jenins)

Ils puzs e lajets concepids sin il territori d'ina anteriura chava da glera, las surfatschas da sablun e da glitta lung la bova ed era guauds umids porschan in spazi da viver oravant tut per utschels da l'aua, amfibis, reptils ed animals pitschens.

Gia dapi lung temp serva la Siechastuda sco territori da retratga. Enfin il 1700 eran quai ils leprus che vivevan qua en ina chasa da lepra, separads dals ulteriurs abitants dal vitg. Oz è ella in refugi per animals e plantas dependents da zonas umidas. Tals territoris umids èn numnadamain strusch pli da chattar en la Val dal Rain Grischuna che vegn cultivada intensivamain.

En lavur stentusa han noss antenats urbanisà la planira da la Val dal Rain Grischuna. Las bleras palids, puzs e lajets èn svanids cun paucas excepziuns. Rustgs, raunas, rustgets e piutschas, utschels da l'aua e libellas han chattà in nov dachasa en la Siechastuda.

Ma betg mo creatiras che aman l'aua sa sentan bain quai. Pli che 200 spezias da plantas, tgirallas, utschels-mezmieur, erizuns, fiergnas, serps, luschar, chavriels e blers auters animals stiman l'insla natirala en il territori agricul.

Questa diversità è l'expressiun da gronds contrast. Sin in fitg pitschen

spazi sa chattan lieus nivs e lieus creschids en, suleglivi e sumbrivauns, setgs ed umids. L'uman, l'aua e la bova procuran che quai restia uschia era en avengnir.

Cura che las bovas Üll e Selfi sa derschian da marschauna u sunter ferma plievgia cun massas d'aua e da glera giu dal Vilan, destrueschan ellas blera vita en il vau da la bova.

Ma sunter mintga bova sa furman novas surfatschas nivas da crappugls e da glera: spazi vital per piuniers che populeschan tals terrens crivs. Per proteger las spezias che prefereschian situaziuns pli stablas, han ins erigi rempars.

Il guaud, ils prads ed ils lajets ordaifer la bova restan per il solit protegids da las forzas da la natira. Qua procura l'aua dal vitg da Jenins per dinamica. Cura che l'afflussiun d'aua tschessa, sa mida la vegetaziun en il guaud da riva: da bostgaglia da salesch e paplas fin a fraissens, ischis e ruvers.

Per evitar ch'il guaud piglia possess da las surfatschas avertas ed ils lajets terreneschian, interrumpa l'uman il svilup natiral da la vegetaziun. La channa ed il bostgam vegnan tagliads regularmain ed ils lajets creads da l'uman vegnan drajads sche necessari. Senza questas intervenziuns n'avessan las plantas ed ils animals ch'han gugent cler e chaud nagina schanza da surviver qua. Igl è ina gronda lavur, ma ella sa paja. Tgi che spassegia quiet ed alert sin la via circulara, po scuverir la ritgezza da quest territori.

Anemonenrütli (Malans, Forzeza da Rohan)

Tar quest territori protegi sa tracti dal davos abitadi da l'anemona cumina (Pulsatilla vulgaris) en il chantun Grischun. Sin il prà sitg creschan bleras autras spezias, tranter auter era il traifeglin tudestg (Dorycnium germanicum) fitg rar.

L'anemona cumina è ina da las spezias las pli periclitadas en Svizra. Sco bleras autras spezias da las pradas sitgas è ella tschessada en il decurs dals davos decennis pervi da la cultivaziun intensiva dals prads. La flur ha gugent glisch, e sch'il prà vegn ladà svanescha ella spert pervi da la concorrenza d'autras novas plantas. Ultra da quai ha l'anemona cumina gugent chaud e crescha perquai mo en lieus suleglivi. Questa flur d'in violet intensiv tutga tar la famiglia da las ranunculaceas ed è in dals emprims tachels da color sin las pradas primavaunas. Cuntrari a sias spezias vischinas che creschan per la gronda part en regiuns alpinas, è l'anemona cumina adattada a la vita en las regiuns bassas.

La premissa indispensabla per proteger l'effectiv d'anemonas cuminas a Malans è la cultivaziun estensiva da la surfatscha protegida. Tuttina era il dumber da flurs fitg instabil dapi l'entschatta da la dumbraziun l'onn 1983. Perquai è vegnì lantschà l'onn 2007 in project da promozion. Ins ha duvrà sems da las plantas da Malans per ina nova cultura e puspè plantà las plantinas sin il prà. Las stentas paran d'avair success, il dumber d'anemonas cuminas è puspè creschi ils davos onns.

L'utilisaziun bufatga (desister da biocids, betg regular l'aua e segar tard il prà) promovava era bleras autras spezias che dovran lieus sitgs. La stad pon ins per exempel vesair il traifeglin tudestg fitg rar, il qual crescha en Svizra exclusivamain en la Val dal Rain Grischuna.

La preschentaziun:
Dossier «Territoris protegids».

Dapli infurmaziuns:
chatta.ch/?hiid=3650
www.chattà.ch